

INUIT ATAQATIGIIT

INATSISARTUNI



Kangaatsiaq, 17. maj 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Hans Aronsen, Inuit Ataqatigiit)

Apeqqutit:

1. Qaleralinniarnermi aqutsiveqarfinni Qeqertarsuup tunuani Upernavimmi Uummannamilu pisassanik amerliinissamut Naalakkersuisut suliaqartitsippat?
2. Naalakkersuisut suliaqartitsippata tamanna Nunatta avataanut piujuaannartitsilluni aalisakkatigut niuernitta illersorneqarnissaanut sutigut tunngavilersuuteqartinneqarpa?
3. Matumani qaleralinniarneq kisimi eqqarsaatigineqarpat akuersissutaateqarluni aalisarnermi immap assingani ullumikkut aalisarfiusut ersarissumik annertussusilerneqarniarpat?
4. Kiisalu piujuaannartitsinermik Nunatta politikkeqarnera illersorneqassappat qanoq illersuineq pingartinneqartingaa?
5. Aammalu amerliliiinissami suut tunngavilersuutaappat? Uani pivakka tunngavilersuutit eqqoriaannangaangitsut tunngavilersuutillu nalunaarsuisimanernik tutsuiginartunik tunngavillit.
6. Amerliliiinissarlu kissaatigineqarpat sinerissap avataani pisassiisutit ikilineqarlutik sinerissap qanittuani qaleralittassat amerlineqarnissaat Naalakkersuisunit siunertarineqarpa?
7. Amerliliiinermilu nunat aalisarnikkut niueqatigisatta niuerfiilluunniit piujuaannartitsinermik tunngaveqarnitsinnik naammassingitsutut apeqqusiissappata sutigut illersorsinnaavarput?
8. Ilanngullugu Kangaatsiap eqqaani, Akunnaami Ikamiunilu qalerallit pisarineqarlutik tunineqartartut Qeqertarsuup tunuani pisassiisutinut toqqaannartumik sunniuteqarpat?

Tunngavilersuut:

Inatsisartunut ilaasortap Hans Enoksenip §37-kut apeqqutaanut nr. 2013-049-mut akissummi oqaatigineqartoq soqutiginarpoq, tassami Aalisarnermut Siunnersuisooqatigiit ataatsimiinissaani aqutsiveqarfinni Qeqertarsuup tunuani Upernavimmi Uummannamilu pisassat ilaqqinnissaannut tunngavissarsiorneq ilanngullugu oqaluuserineqassamaarpoq. Taamaattumik paasissallugit pingartitakka apeqqutigaaq.

Nunatsinni piujuaannartitsinermik tunngaveqartumik aalisarnikkut politikkeqarnerput illersortuangassaraarput, taamaattumik qaleralinniarnermi piujuaannartitsineq tunngavingalungu amerliisarnerni tunngavissaqarumalluta misissueqqissaarnerit tunngavilersuutitut naajoqqaasariaqarnerat pinngitsoorani aqqutissaammata.